



TALEPAPIR

Peqqissutsimut Naalakkersuisoq Doris Jakobsen-imit inuulluaqqsillunilu qujassuteqarneq.

Innuttaasut peqqissusaannut Nuummi ataatsimiinnermi, 8. oktober 2015

(Oqalugiarnermi oqaatigineqartut atuupput)

Ataatsimeersuarneq manna innuttaasut peqqissusaat pillugu ilisarnaateqartinneqartoq ullunillu marlunnik sivisussuseqartoq naggaserlugu qujassuteqarfiginiarpara.

Suliassinnut sulerusunnissinnullu annertuunut qutsaavigaassi. Isumaqarpunga siunissamut sulinissatsinnullu isumalluarnermik pilersitsiviusoq.

Ullut marlut kingulliit innuttaasut peqqissusaat pillugu suliniarnermi saqqummiussat pissanganartut unammillernartullu tusarpagut. Eqimattakkuutaarluta eqqartorsimavarput ullumikkut unaminartut qanoq pitsaanerpaamik aaqqissinnaanerlutigit.

Uannut immikkut ittumik ilikkarnarpoq ilissi kommuuninit aggeruusunit tusarlugu innuttaasut peqqissusaat qanoq ilissinnut sunniuttarnersoq qanorlu suleriaaseqarnersusi.

Upperaara suleqatigiinneq nukittorsassagaanni tamanna ilisimasaqarnikkut, immitsinnullu paaseqatigiinnikkut pisinnaasoq. Isumaqarpunga ulluni taakkunanani marlunni annertuumik angusaqarsimalluta oqaloqatigiinnikkut tusarnaarnikkullu.

Aaqqiissutissat ajornaatsuinnaangillat. Ullormiit ullormut – naak tamanna kissaatigigaluaripput, innuttaasut peqqissusaat pitsanngortissinnaangilagut. Suleriarnissami alloriarnissaq sivisussaaq – taamaattumillu aamma pingaaruteqarpoq, ataatsimoorluta assigiimmillu siunnerfeqarnissarput anguniassallugu.

Inuuneq peqqissoq naartulinnginnermili naartunerullu nalaani tunngavilerneqartarpoq. Neriuppunga tamatta suleqatigiinnikkut, Kalaallit Nunaanni ilaqutariit pitsaanerusumik inuuneqarlernissaannut qulakkeerinnissinnaalluta. Ataatsimoorluta inooriaaseq pitsaanngitsoq kinguariinnut ingerlateqqinneqartartoq nungutsissinnaavarput, taamaaliornikkut meeqqat inuusuttullu piumasaqaat malillugu peqqinnartumik toqqisisimasumillu peroriartorsinnaaniassammata.

Neriuppunga aamma ilissi, uattulli – piviusunngornissaannut neriummik isumalluarnermillu misigisaqarlusi maanngaanniit ingerlassasusi. Tamanna

08-10-2015
Sags nr. 2015 - 10009
Akt nr. 1280127

Postboks 1160
Tlf: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

ataatsimoorluta ataatsimoorullutigulu innuttaasut peqqissussannik
kivitseqatigiissinnaalluta.

Qujanaq aggerassi.

NAAVOQ